

Hainda bhangon or harone ek zagattu arek zagat lari felon

Goribar Ham/Moksod:

Haindha bhanghar doror joriya joldi manush lari eribar niyot goriore somajor manushore hota janai dibar moksod. Somajor mainshore bujaibolla haj hotora ode haindha bhangha odda dhoijja shiaikkha halot een ore shoro gorione janai dibolla he hotora gin poila moksod.

Jaga lari eribar jorori gan yaat gorai diore jaan bachai bolla boliore ar dukpatto bachaibolla hobor gan ore haj gori gora giye. Yaan ekka da jorori map, haj gori o'manush okkolla boli jara besi hotora doror jagat thake. Ogga shondor hobor diore jaga lari eribar ham goribolla, somajor manush okkolore dia jaibo bujhe pan goriore hobor, thakibo de modotor babode, jendilla neki gari loi barai dibar modod soho golaiya ar ebhar kopjar sis okkol lari eribar modod. Somajor manush okkolore meeting ot joma ghora ar etarare himmot or shate shamil oibar bol diya faisala gorobollaore een hoilo de asol moksod. Hamor shoro okkol jendilla neki jaiore ghorai ari chone family okkol thakibolla noya jagat majhe bol (shokti) oibo. Ar jaher gorit paribo taraa pochondho ore, ar nije baje hefajot goribar kheyal thakibo ar jaga lari eribar hamot maijhe bissas thakibo. Bissas bana ar somajor mainshor babode ham gora een akkada jorori asha oibo a hoboror joriya. Khullom khela hota hoibollain gora jaibo shohi gori goribolla ore jendilla neki jehono sowal-salir babode jaga lari arare kheyal gora jaibo. Ar pora pora ham gan baki thakibo tia-poisha chara mana haam gorar. A hobor gaan haj gori lattat cholat thakibo hamor jororot owor chaiyore noya jagat maje larai erar. Jendilla neki hana, pani, dabai oshud r saf-sotora raka. Ar o baraiore hoito chaile demagi biaram r matha dhilar beyaram or modod gora jaibo potti akjon akjon potti family lari eijjede tarar noya jagat maije.

Haj dhoijja mainshor hota toli doribar hobor gan oibo de somajor manush okkol jara neki thake hotorar haindha vhanghibar jagat maijhe Refugee camp or vitore. Yaansaniotor modod or boro da'e jendilla neki Site Management Support (SMS) or modod gorede da'e, alakar r somajor da'e dor manush okkol ar hefajot or da'e okkole ar o thakibo haj jimmadar okkol, kiolla hoile etara haj jimma okkol aday goribo manush okkolor jaga lari eribar ham, ar o tara kheyal rakibo loksan oyede manush okkolore valai rakibar ar hefajot rakibar.

Akkan jagatto arekkan jagat loronnan jororot:

- Jaga lora hota ennan Refugee okkolor akkan jagatto arekkan jagat yaat o'ba akkan camp otto onno akkan camp ot jon ore buja. Yinsaniyot haam gore de erimma manush r poribar haaj gori jara mushkilat jagat maije jindegore gore etarrar hefajot r vala ham porapori sohi oibolla ahsan gore.
- Jodi onorar hefajot or jaiga uchol medi vhanghi ja goi de ede hotora thakile jaaga gan toile ona abong onorar poribar hefajot shohi goribolla akkan jagatto arekkan jagat laribolla beshi jorori.

Kichu hota medi vhangede endilla jagat maije hotora homonnan ahsan noi, jiyen or joriya ba samnor jindegi vala goribolla jaga laron beshi jorori.

- Hefazot or jaga laron onor jibon, ghor, mal-shamala bao nor hanar loksanotto bachai ane. Onor ghor r onor arailla-parailla okkol chari jonnnan beshi mushkil, lakin onor ghoror manush or hefazot r o besi jororot. Onor jaga loronnan yaat oba onor gorolla boliore akkan hefazot or jaga pakka gore, jiyen a neki onore haidha vhangede dor yaan chariore jindegi goribolla modod gore.
- Lakhin onno jonore hefazot goribolla vhaba-chinta thake, agana gushtir hascha-hachi hefazot takibolla jororo oi, yaat oba r hodon howa giyede mosibot mowa muikka owa pore, etolla onor jaga laribolla ore beshi meherbani gorit pare. Ar owore ase de endilla jagat jara thaker etaralla boli jaga laronnan age etarar hok ore diya pore.
- SMS or ahsani jaga laron de oile onor akkan hefazot yaato r o chibi dhore de endilla hefazot or jaga shohi gora vala oibo.

Hainda bhanghar Mosibot:

Hainda bhangha hode een hotora. Haaj gori pahari alakat jendilla neki camp. Hainda bhangha hode iin beshi adoilla owa jagat, r norom medi okkol, r jede neki gash okkol tuli fela. R een hamisha o' jhor pora loi ore. Yaan jorori de dure thakon gan, wa jagatton, pahari jagatton, r besi hainda vhangete jaga okkollotton, ghor okkol no bandhiore tolat maije r Paharor owore. J jaga gin or majhe aara thaki een besi hotora haidha bhanghibar. Tolotto dahai diye de een or joriya:

Tu'i jodi ghor bandhodde oitu gile owore odda tolat beshi da'ke wa jagar.

- Pahar bhangibar bodda fara deha jaile.
- Tu'arar ghoror tolat majhe fara deha jaile.
- Ghoror ak deikkha vhanghi porile / heli porile.
- Gaas, bashor khoda r laftin okkolor kona harap oile.
- Haindhar gujjat maje korile.
- Pahore dhori rakibolla hono jinis no thakile.
- Beshi juror karone, medi lori jaibar harone, r hefazot jagat no jaibar harone bout manushor jaan'or loksan oiye. 2017 sal oite, 33 jon manush aissilde medi vhanghar hotora jagat maije een mori gijoi r besha bashi jokhom oilil. 2024 or majhe 11 jon manush jaan harai felaiye haidha vhanghar joriya.

Besha-beshi ghor thaka:

- Camp okkolot besha-beshi jomaiya r besha beshi hali jaga okkol nai, Potti family okkol ore haidha vhanghe de endilla jagatto lari eribolla. Etolla boli yaan besi jorori family okkolore age dibollai jara besi hotora jagat majhe ache.
- Camp or vitore, block or vitore jaga lari owre don yaan oiit no pare jaga no thakonor joriya.
- Camp 20 r Camp 20 ext or majhe hali ghor okkol ache sadharon jororot loi ore, jen dilla neki wash, toitta ponna pore de jaga, rastar solar or batti (LSSS), medi lippa ghor okkol, hefazoti ghor okkol faisala oiye Bangladesh or hokomotto. Jodi family raji o' Camp in Charge (CiC) office odda SMS or da'iye modod goribo jaga lari dibolla.

- 6 jonor beshi manushor akkan familire 2 ghan saharar jaiga paite modod goribo de SMS haron aara buja mojhin ogga bodda familire akkan hefazot or jagat rakite beshi mushkil. CiC'r faisala paile ghor laa'ri diya jaibode.

Akkan jagatto arekkan jagat loronnan Modot

Zai oi Sai low

- SMS ghoror gushti okkolore noia ghor dibolla "Zai oi Sai low" shubida ean di thake. Saibarshot SMS onore zede ghor gan banaibo or ze zagat ghor ian tulbo ian dehaibo otoba zodi ede ghor okkol banaia taile into to ekkan onor bhag ot dibo. Saito zaibor la onore garir modot ar CiC or ijajot dibo.
- Zagabodolot or halot bujiborla onor aside halotor manush otoba zara ede jagabodolot goizze itarar fuati hota hoi fariban. One ediar com or majhi, CiC office or manush, SMS or manush, hefajot or team or fuati o hota hoi fariban.
- Noia zagar halotot SMS ore onor posondo or hota o zanait farion zin neki onore ba onor hota re besha beshi zororot dibo.

Ek zagatto arek zagat lari felon or age :

- SMS, noia zaga asede eilla service, zaibar tarik ororare zanaibo. SMS noia ghor orla onno partar/ngo or fuati milai ham goribo, zede ham oie, naki baki ase in o saibo.
- CiC'r izazotor bade SMS'r hefajot'r team, ek zagatti arek zagat lari felon or hagos fati ahsanor shoit goribo.
- SMS onorar onno ekkan camp'ot zagabodolot/ghor bodolot'or la garir antezam goribo. Noia zagat samana-sati loizaibolla o antezam goribo.
- One/onora zodi ki dai-tia zagabodolot/ghor bodolot goitto son, inor la SMS, CiC'r loi milai asede eilla ghoror fuati manush loi hisab gori antezam gorit fare.

Ek zagatto arek zagat lari felon or shomot

- SMS ar Hefajot or dai one ar onor ghor gushtir fuati thakibo ek zagatti arek zagat lari felon or shomot.
- ek zagatti arek zagat lari felon goribar shomot ghor bhaiggede in ar malsamana loi zaiboilla modot goribo. Zagabodolot/ ghor bodolot'r shomot garir modot o goribo.
- SMS team onor bhag or ghor gan , onor posond'r zagat dibo, zeba ageoite hoia aissil, ian o goribo.
- Ator/major yatoba beshi mushkilot wala manush or ghor gushtire noia zagat loizaibolla o modot goribo.

Ek zagatto arek zagat bodolot'r for

- Ek zagatto arek zagat lari felon or for SMS ar Yinsaniyot haam gore de erimma okkol onorare agor doilla modot goribo.
- Zagabodolot'r for hana, gas, elas ar baki jorurotor modot gin borabolla SMS a saibo. Distribution or mutabek gori milai goribo.
- SMS'or team data team ore onor Zagabodolot loi janaibo ar data'r hagoj ot data dulibolla moshuara dibo.

Noia zaga/Camp ot bodolot'r shubida

- Ghor'r dai-gushti fa-ror hainda bhangibar-tu hefazot taibo.

- Ghor'r dai-gushti noia zagat noia ghor faibo.
- Ghor'r oji Cash for Work- tia-foisar bodoilla ham ot IOM'r torof or tu SMS'r fuati 3 mash ham goribar mowka gori dibo.
- Zaga/ghor bodol oiyede poribar itarare SMS, DRR ar ghoror ham ot takot banaito serang goribolla moshuara dibo.

Gufon rakon/Refugee hok

- Bek zaga bodol oilde nize baze kew onore jobordost no goribo. SMS age loiti moshuara gori foisala goribo. SMS onore zaga bodolot babot hefazot ar ghor or zorurotti modot goribo.
- Dilor pereshani babot modot'r la MHPSS'r sheba zekono ortot taibo. One IOM MHPSS Hotline 01847351787 numner ibat call di fariban. Ekbar call goribar bade onore abar firti call goribo Zate onor tu tia no hade.
- Onor tu hoq ase Zehono sual goribar ar hobor loi fariba zaga/ghor bodolot'r age o fore.
- Zagavodolot/ ghor bodolot goribar shot zrkono mushkilot taile SMS team or office / zaga bade tarar manshor loi , FIC desk bade FIC volunteers loi, CFM or loi block ot zekhono shomoi hota hoi fariban.
- Onorar jar jar serang goribar shot onorar data gufon taibo. Zara Zagabodolot/ghor bodolot'r ham gore tara zani faribo.
- Mushkilot ase de manush- ator, bura, gorsara, beshi biaraimma, bediain, ar guara fouain oji itarar zorurot furaibolla foila zururot dibo.
- Hamesha monot raiban de insanioti modot yatoba NGO'r modot beggon bina foisat de. Camp ot zin zin modot or babod NGO ase, itara onor kase thia-foisa sai no faribo, Insániyoti modot yatobá NGO'r modot or bodoillá honó dhoilla thiañ foisá, jinsí adde ehésan yatobá faida luwa no zaibouú. Oñattú yatobá oñne sinodé honó kiattu éndhilla ehésan magerde oilé, meherbani gorí oñnar dáker CFM/Help Desk/cékayot Hanát/ hefazotor babute ham gorede manush or fuati zugazuk goró yatobá UNHCR or refúji okkoloré modot goríbar nombór - 16670 ot koól maró, email goro pseabangladesh@un.org.